



Universitätsbibliothek Paderborn

Instructio practica ...

De Sacerdotii Origine & Præstantia - Variis item Industriis, & Praxibus, quibus Sacerdotes boni ad Dei gloriam suámque & Proximi salutem promovendam sunt usi ; Malorum Qvoque Sacerdotum infelici interitu, radicibus, & remediis Cui etiam Compendium Ritualis, ea, quæ pro commodiori Sacramentorum & ...

Lohner, Tobias

Dilingæ, 1681

Cap. XII. De varijs Benedictionibus.

[urn:nbn:de:hbz:466:1-48600](https://nbn-resolving.org/urn:nbn:de:hbz:466:1-48600)

gaudium vertisti: respice propitius super hanc famulam tuam, ad templum sanctum tuum pro gratiarum actione lætam accedentem: & præsta, ut post hanc vitam ejusdem beatæ Mariæ meritis & intercessione, ad æternæ beatitudinis gaudia cum prole suâ pervenire mereatur. Per Christum Dominum nostrum. Amen.

8. *Deinde illam aspergit iterum aquâ benedictâ, ut in modum unius crucis, ut supra.*

9. *Postea extenta manu faciens crucem super illam dicit:*

Pax & benedictio DEI omnipotentis, Patris ✠, & Filij, & Spiritûs sancti, descendat super te, & maneat semper. R. Amen.

CAPUT XI.

DE VARIIS BENEDICTIONIBUS.

Articulus I.

Benedictio mulieris prægnantis, ubi aut matris, aut infantis vita periclitatur.

Parochus hac benedictione non utatur, nisi rogatus: Et tum cautè observet, nequid, præsentè se, contra verecandiam quavis necessitate, committatur.

ψ. Adjutorium nostrum in nomine Domini. R.
Qui fecit cælum & terram. ψ. Salvam fac ancillam tuam. R. DEUS meus sperantem in te. ψ. Esto illi Domine turris fortitudinis. R. A facie inimici. ψ. Nihil proficiat inimicus in eâ. R. Et filius iniquitatis non apponat nocere ei. ψ. Mitte ei Domine auxilium de sancto. R. Et de Sion tuere eam. ψ. Domine exaudi

audi orationem meam. *R.* Et clamor meus ad te veniat. *V.* Dominus vobiscum. *R.* Et cum Spiritu tuo.

Oremus.

Omnipotens sempiternae DEUS, qui dedisti famulis tuis in confessione verae fidei, aeternae Trinitatis gloriam agnoscere, & in potentiam maiestatis adorare unitatem: quaesumus, ut ejusdem fidei firmitate, haec formula tua ab omnibus semper muniatur adversis. Per Dominum nostrum, &c.

Oremus.

Domine DEUS, omnium creator, fortis & terribilis, justus & misericors: qui solus bonus & pius es: qui de omni malo liberas Israël: qui electos Patres munere Spiritus tui sanctificasti: qui gloriosae Virginis matris Mariae corpus & animam, ut dignum Filij tui habitaculum esse mereretur, Spiritu sancto cooperante praeparasti: qui Joannem Baptistam Spiritu sancto replevi, & in utero matris exultare fecisti: accipe sacrificium cordis contriti, ac fervens desiderium famulae tuae N. humiliter supplicantis pro conservatione prolis debilis, quam ei dedisti concipere: & custodi partem tuam, & defende ab omni dolo & injuria dicti hostis: ut obstetricante manu misericordiae tuae, foetus ejus ad hanc lucem veniat incolumis, ac sanctae regenerationi servetur, tibi que in omnibus jugiter deserviat, & vitam consequi mereatur aeternam. Per eundem Christum Dominum nostrum. *R.* Amen.

Postea aspergat aqua benedicta in modum crucis dicendo Psalmum 66. DEUS misereatur nostri, &c. Gloria Patri, &c.

V. Bene-

ψ. Benedicamus Patrem & Filium cum sancto Spiritu. R. Laudemus & superexaltemus eum in sæcula. ψ. Angelis suis mandat de te. R. Ut custodiant te in omnibus vijs tuis. ψ. Domine exaudi orationem meam. R. Et clamor meus ad te veniat. ψ. Dominus vobiscum. R. Et cum Spiritu tuo.

Oremus.

Visita, quæsumus Domine, habitationem istam, & omnes infidias inimici ab eâ, & à præsentī famulâ tuâ longè repelle: Angeli tui sancti habitent in eâ, qui eam, & tærum ejus ab omni adversitate & mortis periculo, tuâ benedictione, custodiant. Per Christum Dominum nostrum. R. Amen.

Benedictio DEI omnipotentis, Patris ✠, & Filij, & Spiritûs sancti descendat super vos, & maneat semper, Amen.

Articulus II.*Benedictio terra seminata.*

ψ. Adjutorium nostrum in nomine Domini.
R. Qui fecit cælum & terram.
ψ. Dominus vobiscum.
R. Et cum Spiritu tuo.

Oremus.

Benedicat nos DEUS, DEUS noster, & terræ nostræ ubertatem concedat: in centuplum amplifcet fructus ejus, ut viventes, in exultatione manipulos nostros colligamus. Per Christum Dominum nostrum.
R. Amen.

Deinde aspergat aquâ benedictâ in modum crucis.

Articulus

Articulus III.

Benedictio communis super fruges, & vineas.

℣. Adjutorium nostrum in nomine Domini.

℞. Qui fecit cælum & terram.

℣. Dominus vobiscum.

℞. Et cum Spiritu tuo.

Oremus.

O Ramus pietatem tuam, Omnipotens DEUS, ut has primitias creaturæ tuæ, quas aëris & pluriæ temperamento nutrire dignatus es, benedictionis tuæ imbre perfundas: & fructus terræ tuæ usque ad maturitatem perducas. Tribuas quoque populo tuo de tuis muneribus tibi semper gratias agere, ut à fertilitate terræ esurientium animas bonis affluentibus repleas, & egenus & pauper laudent nomen gloriæ tuæ. Per Christum Dominum nostrum. ℞. Amen.

Aspergat illas aquâ benedictâ in modum crucis.

1. **A**lia benedictiones majores super fructus cum decantatione quatuor Evangeliorum in ruralibus maxime Ecclesiis per astatem certo tempore ante Missam diebus Dominicis & festis fieri solite, videantur infra.

2. Minor quoque Benedictio post Missam tempore astatis in ruralibus Ecclesiis utiliter quotidie adhibenda, videatur infra.

Articulus IV.

Benedictio Herbarum in festo Assumptionis B. Mariae Virginis.

℣. Adjutorium nostrum in nomine Domini.

℞. Qui fecit cælum & terram.

℣. Do-

ψ. Dominus vobiscum.

℞. Et cum Spiritu tuo.

Oremus.

Domine sancte, Pater Omnipotens, qui ab initio fecisti hominem ad imaginem tuam, & condidisti cælum & terram, solem & lunam, stellas, & omnia cælestia & terrestria: qui dominaris potestati maris: qui habes potestatem abyssi magnæ: qui condidisti omnia elementa: tu bene ✠ dicere, & sancti ✠ ficare digneris has creaturas herbarum, sicut benedixisti quinque panes in deserto, & duos pisces, & satiasti quinque milia hominum: omnesque, qui utentur ex eis, bene ✠ dicere, & sancti ✠ ficare dignare, ut in eis sit sanitas animæ & corporis: in nomine Patris ✠, & Filij, & Spiritus sancti: & ab omnibus hominibus pecoribusque, qui ex his gustaverint, omnem putredinem & omne phantasma diaboli, & omnem morbum ac dolorem, expellere digneris: qui in Trinitate perfecta vis & regnas **DEUS**, per omnia sæcula sæculorum. ℞. Amen.

Oremus.

Suppliciter, sancte Pater, & obnixis precibus tuam deprecamur clementiam, qui mirabiliter ex nihilo puncta creasti, quique terram diversa proferre germina præcepisti, & varia medicamentorum genera, ad sananda generis humani corpora, herbis indidisti: bene ✠ dicere, & sancti ✠ ficare has diversi generis herbas tuâ cietate digneris: ut quicumque ex eis in hâc solennitate beatissimæ semper Virginis Mariæ, **DEI** genetricis, sumpturi sunt, tam animæ quàm corporis desiderabilem percipiant sanitatem, & eâdem intercedente, sic earum

usu jucundentur salubriter, quatenus, in tuorum odore
unguentorum, Paradisi januas adire mereantur: præ-
stante Domino nostro JESU Christo, qui tecum vivit,
& regnat DEUS, per omnia, &c. Amen.

Oremus.

DEUS, qui universis herbarum generibus humanis
necessitatibus præstitisti remedia: hanc herbarum
collectionem tuæ miserationis bene ✠ dic dexterâ: ut
quisquis, languore depressus, ex eis aliquid gustaverit,
Ecclesiæ suæ sanctæ repræsentatus, optatæ munus salu-
tis, te donante percipiat. Per Christum Dominum
nostrum. R. Amen.

Responsorium.

Vidi speciosam, sicut columbam, descendentem de-
super rivos aquarum: cujus inæstimabilis odor
erat nimis in vestimentis ejus. Et sicut dies verni, cir-
cumdabant eam flores rosarum, & lilia convallium. V.
Quæ est ista, quæ ascendit per desertum, sicut virgula
fumi, ex aromatibus myrrhæ & thuris? Et, sicut dies
verni, &c. V. Ora pro nobis sancta DEI Genitrix. R.
Ut digni efficiamur promissionibus Christi. V. Domi-
nus vobiscum, &c.

Oremus.

Veneranda nobis, Domine, hujus diei festivitas o-
pem conferat sempiternam, quâ sancta DEI Geni-
trix mortem subjicit temporalem, nec tamen mortis ne-
cessitatibus deprimi potuit: quæ Filium tuum, Dominum no-
strum, de se genuit incarnatum: qui tecum vivit & re-
gnat in unitate, &c. R. Amen.

P

Deinde

Deinde aspergantur aqua benedicta in modum crucis:
 Et si benedictio solemniter fit,thurificentur triplici ductu.

Articulus V.

*Benedictio agni & aliorum, die sancto
 Pascha.*

I. Agni Paschalis.

- ℣. Adjutorium nostrum in nomine Domini.
 ℞. Qui fecit cælum & terram.
 ℣. Dominus vobiscum.
 ℞. Et cum Spiritu tuo.

Oremus.

DEUS, qui per famulum tuum Moysen, in liberatione populi tui de Ægypto, agnum occidi iustifi, in similitudinem Domini nostri JESU Christi, & utrosque postes domorum de sanguine ejusdem agni perungi præcepisti: tu benedicere ✠, & sanctificare ✠ digneris hanc creaturam carnis, quam nos famuli tui ad laudem tuam sumere desideramus, per resurrectionem ejusdem Domini nostri JESU Christi. Qui tecum vivit & regnat, &c. ℞. Amen.

II Avium & aliarum carniū.

- ℣. Adjutorium nostrum in nomine Domini.
 ℞. Qui fecit cælum & terram.
 ℣. Dominus vobiscum.
 ℞. Et cum Spiritu tuo.

Oremus.

DEUS universæ Conditor creaturæ: qui inter cæteras diversarum creaturarum species humano generi

heri etiam volatiliū genus, & reptilia munda ad usum
ex aquā producere dignatus es: ex quibus Noë de Arcā
egrediens, holocaustum tibi offerens placuit: & qui
populum tuum ex Ægypto eductum, per Moysen ser-
uum tuum munda ab immundis segregans, edere præ-
cepisti: te supplices exoramus: ut has mundarum a-
nimarum carnes, quas fidelibus tuis ad usum victualem con-
cessisti: bene ✠ dicere, & sancti ✠ ficare digneris: ut
quicumque ex eis comederint, benedictionis tuæ abun-
dantiā repleantur, atque ad æternæ vitæ pascua perve-
nire mereantur. Per Christum Dominum nostrum.
R. Amen.

III. Lardi.

ψ. Adjutorium nostrum in nomine Domini.

R. Qui fecit cælum & terram.

ψ. Dominus vobiscum.

R. Et cum Spiritu tuo.

Oremus.

Omnipotens, & misericors DEUS, qui necessita-
tem humani generis prævidens, clementer admi-
nicula temporalia contulisti: te humiliter imploramus,
ut bene ✠ dicere digneris hoc lardum famulorum tuo-
rum, ut quæ hâc tua misericordia piè contulit, nostro
merito non depereant. Per Christum Dominum no-
strum. R. Amen.

IV. Casei ex ovis, & butyri.

ψ. Adjutorium nostrum in nomine Domini.

R. Qui fecit cælum & terram.

ψ. Dominus vobiscum.

R. Et cum Spiritu tuo.

P 2

Oremus.

Oremus.

Bene ✠ dic Domine hanc creaturam casei, quam ex adipe animalium producere dignatus es, ad usum hominum: ut quicumque fidelium tuorum inde comederint, omni benedictione cælesti, & gratiæ tuæ futuritate repleantur. Per Christum Dominum nostrum.
R. Amen.

V. Ovorum.

Ÿ. Adjutorium nostrum in nomine Domini.
R. Qui fecit cælum & terram.
Ÿ. Dominus vobiscum.
R. Et cum Spiritu tuo.

Oremus.

Subveniat, quæsumus Domine, tuæ benedictionis ✠ gratia huic ovorum creaturæ, ut cibus salubris fiat fidelibus tuis, in tuarum gratiarum actione summentibus, ob resurrectionem Domini nostri JESU Christi, qui tecum vivit & regnat in sæcula sæculorū. R. Amen.

VI. Novi Panis.

Ÿ. Adjutorium nostrum in nomine Domini.
R. Qui fecit cælum & terram.
Ÿ. Dominus vobiscum.
R. Et cum Spiritu tuo.

Oremus.

Domine JESU Christe, panis Angelorum, panis vivus æternæ vitæ, benedicere ✠ dignare panem istum

istum, sicut benedixisti quinque panes in deserto: ut omnes ex eo gustantes, inde corporis & animæ percipiant sanitatem. Qui vivis & regnas in sæcula sæculorum. R. Amen.

Articulus VI.

Benedictio Vini in festo S. Ioannis Evangelista.

1. Sacerdos post Missam benedicturus, sit casula, &c. Extra Missam verò superpelliceo & stola albâ indutus, atque vino & vasis ante se positis & apertis, in cornu Epistola stans, dicit:

V. Adjutorium nostrum in nomine Domini.

R. Qui fecit cælum & terram.

R. Dominus vobiscum.

R. Et cum Spiritu tuo.

Oremus.

DEUS & Pater Domini nostri JESU Christi, cujus imperio cæli firmati sunt, cui omnis creatura deservit, & omnis potestas subiecta est, & metuit, & expavescit: nos te in auxilium nostrum invocamus, cujus audito nomine serpens conquietur: draco fugit: vipera fileat: & subdola illa, quæ dicitur rana, inquieta torpescit: scorpio extinguitur: regulus vincitur: squalangus nihil noxium operatur: & omnia venenata, & adhuc fortiora animalia noxia terrentur. Tu Domine extingue omnes diabolicas fraudes, & omnes humano generi adversantes nequitas, & hunc liquorem vini per intercessionem sancti Joannis Evangelistæ tuâ virtute bene ✠ dicito, & omnes ex eo gustantes, meritis & precibus sanctissimæ DEI Genitricis Mariæ, & omnium

Sanctorum tuorum intervenientibus, ab omni malo custodias, & ad regnum gloriæ tuæ perducas. Per Dominum nostrum JESUM Christum, &c.

Oremus.

DEUS, qui mirabili potentiâ vinum producis ex vite, ut inde exhilaretur cor hominis, qui mirabili potentiâ in Canâ Galileæ, ad potandum nuptiali populo, aquam convertisti in vinum: qui que mirabilissimâ potentiâ per manus Sacerdotum, elementum vini quotidie in sacratissimum tuum transformas Sanguinem, DEUS, cujus potestate Jonnes Evangelista venenosi potûs digessit toxicum, bene ✠ dicere dignare hanc creaturam vini, ut omnes ex eo gustantes, expulso toto genere nocivo, infuso tuæ bene ✠ dictionis mylterio, in animâ & corpore mereantur misericorditer exhilarari. Per Dominum nostrum, &c.

Oremus.

BEati Joannis Evangelistæ, quæsumus, Domine supplicatione placatus, & veniam nobis tribue, & remedia æterna concede. Per Dominum nostrum, &c. Et benedictio DEI Patris ✠, & Filij, & Spiritûs sancti, descendat super hunc liquorem Vini, & maneat semper.

R. Amen.

2. Deinde aspergit aquâ benedictâ in modum crucis in aliâs, nihil dicens.

3. Et si cum majori ritu fiat benedictio, ter per modum eisdem crucis incensat, nihil dicens.

4. Post hæc, ubi mos est, singulis modestè accedentibus in cornu Epistolæ vel opportuniore loco à ministro altaris in mundo profano vase, aliquid ex eo bibendum porrigitur.

Articu-

Articulus VII.

*Benedictio & thurificatio domorum in Vigiliâ
Nativitatis: in profesto Circumcisionis: & in Vigi-
liâ Epiphania Domini nostri IESV Christi.*

1. **P**ost Vesperas Parochus, vel de eius licentiâ alius Sa-
cerdos, præcedentibus duobus Ministris superpelliceo
indutis, portantibus vas aqua benedicta cum aspergillo,
& naviculam cum thuribulo, indutus superpelliceo & sto-
liâ albi coloris ex Ecclesiâ modeste procedit ad domum, &
ingrediens illam dicit: Pax huic domui, & omnibus ha-
bitantibus in eâ.

2. Tum aspergit astantes domesticos aquâ benedictâ in
modum crucis, dicens: Asperges me Domine hyssopo
& mundabor, &c. ut supra.

3. Deinde in principaliori vel alio commodo domûs lo-
co ponit incensum in thuribulum, & illud benedicens, di-
cit: ab illo benedicaris, in cuius honorem cremaberis,
Amen. Et mox incipit dicens Antiphonam diei conve-
nientem, ut infra.

4. Postea lentè, graviter, & modeste, potiora, & ma-
gis præcipua domûs loca & cubicula, circumiens, more
consueto, aquâ benedictâ aspergit, & deinde thurificat, di-
cens distinctè Psalmum Miserere, & Magnificat, & pro
loco amplitudine repetit: cum autem absolvit incensando,
redit ad eundem priorem principaliorem locum: & pro-
sequitur Antiphonam cum. V. Dominus vobiscum, &c.
& oratione conveniente, ut infra.

5. Quod si duo adsint Sacerdotes, unus asperget, &
alter incensabit, sequentia alternis versibus recitando.

6. Caveat Parochus, ut inter hunc religiosum actum,
nihil profanum, aut impertinens, vel ipse vel ministri ad-
mittant:

mutant: sed finita incensatione statim ad Ecclesiam revertantur: neque ultrò adthurificandum quisquam se ingerat, nisi vocatus, & cum licentiâ Parochi.

§. I. In Vigiliâ Nativitatis Domini.

Antiph. Hodie scietis, quia veniet Dominus: & manè videbitis gloriam ejus. *Psalm.* 50. Misere mei DEUS, &c. *ut supra pag. 70.* Et canticum Magnificat, *ut supra pag.* In fine utriusque Gloria Patri, &c. *Quibus Psalmis finitis repetitur Antiphona:* Hodie scietis, &c. *Deinde subjungitur.* *ψ.* Dominus vobiscum. *℞.* Et cum Spiritu tuo,

Oremus.

DEUS, qui hanc sacratissimam noctem, veri luminis fecisti illustratione clarescere: da quaesumus, ut, ejus lucis mysteria in terris cognovimus, ejus quoque gaudijs in cælo perfruamur. Per eundem Christum Dominum nostrum. *℞.* Amen.

ψ. Divinum auxilium maneat semper nobiscum.
℞. Amen.

§. II. In Profesto Circumcisionis Domini.

Antiph. Ecce Maria genuit nobis Salvatorem, quem Joannes videns, exclamavit, dicens: Ecce Agnus DEI, ecce qui tollit peccata mundi, alleluja. *Psalm.* Misere mei DEUS, &c. *cum cantic.* Magnificat, &c. *ut supra.* *Quibus finitis repetitur Antiph.* Ecce Maria, &c. *Et subjungitur.* *ψ.* Dominus vobiscum. *℞.* Et cum Spiritu tuo.

Oremus.

Oremus.

DEUS, qui salutis æternæ, beatæ Mariæ Virginitate
fæcundâ, humano generi præmia præstitisti, tri-
bue, quæsumus, ut ipsam pro nobis intercedere sen-
tiamus, per quam meruimus Autorem vitæ suscipere
Dominum nostrum JESUM Christum, Filium tuum,
qui tecum vivit & regnat in sæcula sæculorum.

R. Amen.

V. Divinum auxilium maneat semper nobiscum.

R. Amen.

§. III. In Vigiliâ Epiphaniæ Domini.

Antiph. Apertis thesauris suis, obtulerunt Magi Do-
mino aurum, thus, & myrrham, alleluja. *Psalm.* Mi-
serere, &c. Magnificat, &c. *ut supra.* *Repetitur de-
inde Antiphona:* apertis thesauris, &c. *Et dicitur.*

V. Dominus vobiscum.

R. Et cum Spiritu tuo.

Oremus.

DEUS, qui hodiernâ die Unigenitum tuum Genti-
bus, stellâ duce, revelâsti: concede propitius, ut
qui jam te ex fide cognovimus, usque ad contemplan-
dam speciem tuæ celsitudinis perducamur. Per eun-
dem Christum Dominum nostrum. R. Amen.

V. Divinum auxilium maneat semper nobiscum.

R. Amen.

Articulus VIII.

Benedictio generalis cujuscunque loci.

V. Adjutorium nostrum in nomine Domini.
 R. Qui fecit cælum & terram.
 V. Dominus vobiscum,
 R. Et cum Spiritu tuo.

Oremus.

Benedic Domine Deus omnipotens locum istum
 (*vel domum istam*) ut sit in eo (*vel in eâ*) sanitas,
 castitas, victoria, virtus, humilitas, bonitas, & man-
 suetudo, plenitudo legis, & gratiarum actio DEO Pa-
 tri, & Filio, & Spiritui sancto, & hæc benedictio
 maneat super hunc locum, & super habitantes in eo
 nunc & semper. R. Amen.

Et aspergat aquâ benedictâ in modum crucis.

Articulus IX.

*Benedictio contra inundationes, &
incendia.*

I. **C**ontra periculosas aquarum inundationes, & in-
 cendia, quæ flammis jam ingravescentibus, nullo
 humano auxilio sopiri posse putantur: Paterfamilias indutus
 superpelliceo & stolâ albâ, procedet ad locum cum tribus
 ministris duo juxta crucem candelabra gestantibus, sub-
 sequente universo populo, & DEUM deprecante:

V. Adjuva nos DEUS salutaris noster.
 R. Et propter gloriam nominis tui libera nos.

V. Sal-

Ÿ. Salvos fac fervos tuos.

℞. DEUS meus sperantes in te.

Ÿ. Domine non secundum peccata nostra facias nobis,

℞. Neque secundum iniquitates nostras retribuas nobis.

Ÿ. Mitte nobis Domine auxilium de sancto.

℞. Et de Sion tuere nos.

Ÿ. Domine exaudi orationem meam.

℞. Et clamor meus ad te veniat.

Ÿ. Dominus vobiscum.

℞. Et cum Spiritu tuo.

Oremus.

DEUS, qui justificas impium, & non vis mortem peccatoris: majestatem tuam suppliciter deprecamur, ut famulos tuos de tuâ misericordiâ confidentes, ab his aquarum (ignium) periculis, cælesti protegas benignus auxilio, & assiduâ protectione conserves: ut tibi jugiter famulentur, & nullis tentationibus à te separentur. Per Christum Dominum nostrum. ℞. Amen.

2. *Extendens manum super aquas (flammas) & faciens signum unius tantum crucis, dicit cantando:*

Benedictio DEI Omnipotentis Patris ✠, & Filij, & Spiritûs sancti descendat super has aquas (flammas) eâque coerceat clementer. ℞. Amen.

3. *Deinde eodem ordine, quo exiit, redit ad Ecclesiam.*

Anti-

Articulus X.

*Benedictio salis & aquæ contra vermes & aves
semina agrorum vastantes.*

- V. Adjutorium nostrum in nomine Domini.
 R. Qui fecit cælum & terram.
 V. Dominus vobiscum.
 R. Et cum Spiritu tuo.

Oremus.

Domine sancte Pater Omnipotens, æterne DEUS,
mitte Spiritum tuum sanctum cum Angelis &
Archangelis, cum Thronis, Dominationibus, & cum
eis omnes Sanctos & electos tuos; ut defendant segetes
nostras à vermibus malis & avibus, & magnificetur no-
men tuum in omni loco. Per Christum Dominum no-
strum. R. Amen.

Oremus.

Bene ✠ dic Domine hanc creaturam aquæ, ut fu-
giant vermes & volucres à nostris segetibus, propter
nomen Domini nostri JESU Christi; quod invocatum
est in ipsâ creaturâ messis, ut fiat alimentum omnibus,
qui vivunt ex eâ. Per Christum Dominum nostrum.
R. Amen.

Asperguntur agri aquâ benedictâ.

Articulus XI.

*Benedictio Tempestatis, quæ singulis diebus post
Sacrificium Missæ fieri solet à Festo Inventionis S.
Crucis usque ad Festum Exaltationis S. Crucis.*

- V. A fulgure & tempestate.
 R. Libera nos Domine JESU Christe.

V. Fiat

- Ÿ. Fiat misericordia tua Domine super nos.
R. Quemadmodum speravimus in te.
Ÿ. Domine exaudi orationem meam.
R. Et clamor meus ad te veniat.
Ÿ. Dominus vobiscum.
R. Et cum Spiritu tuo.

Oremus.

A Domo tuâ quaesumus Domine spirituales nequitia
repellantur, & aërearum discedat malignitas tem-
pestatum. Per Christum Dominum nostrum.

R. Amen.

Oremus.

Quaesumus Omnipotens DEUS, ut intercessione S.
DEI Genitricis Mariæ, & sanctorum Angelorum,
Patriarcharum, Prophetarum, Apostolorum, Marty-
rum, Confessorum, Virginum, & Viduarum, atque
omnium Sanctorum tuorum continuum nobis præstes
subsidium, tranquillam auram permittas; atque con-
tra fulgura & tempestates de super nobis indignis tuam
salutem effundas, de cælis, & generi humano semper æ-
mulas, dexterâ potentia tuâ, aëreas conteras potestates.

DEUS, qui omnium rerum tibi servientium natu-
ram, per ipsos motus aëris ad cultum tuæ majesta-
tis instituis, tranquillitatem nobis tuæ misericordia; re-
motis aëris terroribus permanere permittas, ut cujus
iram expavemus, clementiam sentiamus. Per Christum
Dominum nostrum. R. Amen.

Articulus XII.

Benedictio ad repellendam Tempestatem.

Pulsantur Campana, & dicuntur Litanie de omnibus
Sanctis, in quibus bis, vel ter, dicitur:

A fili

Psalmus 147.

Lauda Jerusalem Dominum: lauda DEUM tuum Sion.

Quoniam confortavit seras portarum tuarum: benedixit filijs tuis in te.

Qui posuit fines tuos pacem: & adipe frumenti satiat te.

Qui emittit eloquium suum terræ: velociter currit sermo ejus.

Qui dat nivem sicut lanam: nebulam sicut cinerem spargit.

Mittit crySTALLUM suam sicut buccellas: ante faciem frigoris ejus quis sustinebit?

Emittet verbum suum, & liquefaciet ea: stabit Spiritus ejus, & fluent aquæ.

Qui annuntiat verbum suum Jacob: justitias, & judicia sua Israël.

Non fecit taliter omni nationi: & judicia sua non manifestavit eis.

Gloria Patri. Sicut erat &c.

℣. Adjutorium nostrum in nomine Domini.

℞. Qui fecit cælum & terram.

℣. Ostende nobis Domine misericordiam tuam.

℞. Et salutare tuum da nobis.

℣. Adjuva nos DEUS salutaris noster.

℞. Et propter gloriam nominis tui Domine libera nos.

℣. Nihil proficiat inimicus in nobis.

℞. Et filius iniquitatis non apponat nocere nobis.

℣. Fiat

Ÿ. Fiat misericordia tua Domine super nos.

R. Quemadmodum speravimus in te.

Ÿ. Salvum fac populum tuum Domine.

R. Et benedic hereditati tuæ.

Ÿ. Non privabis bonis eos, qui ambulant in innocentia.

R. Domine DEUS virtutum, beatus homo, qui sperat in te.

Ÿ. Domine exaudi orationem meam.

R. Et clamor meus ad te veniat.

Ÿ. Dominus vobiscum.

R. Et cum Spiritu tuo.

Oremus.

DEUS, qui culpâ offenderis, pœnitentiâ placâris, preces populi tui supplicantis propitius respice & flagella tuæ iracundiæ, quæ pro peccatis nostris mere-mur, averte.

Oratio.

A Domo tuâ, quæsumus Domine, spirituales nequitiæ repellantur, & aërearum discedat malignitas tempestatum. Per Christum Dominum nostrum.

R. Amen.

Oratio.

Omnipotens sempiternæ DEUS, parce metuentibus, propitiare supplicibus, ut post noxios ignes nubium, & vim procellarum in misericordiam transeat laudis comminatio tempestatum.

Oratio.

Oratio.

Domine JESU, qui imperasti ventis, & mari, & facta fuit tranquillitas magna, exaudi preces familie tuæ, & præsta, ut hoc signo sanctæ Cru^x cis omnis discedat sævitia tempestatum.

Oratio.

Omnipotens, & misericors Deus, qui nos, & castigando sanas, & ignoscendo conservas: præsta supplicibus tuis: ut & tranquillitatibus optatæ consolationis lætemur, & dono tuæ pietatis semper utamur. Per Dominum nostrum JESUM Christum Filium tuum, qui tecum vivit, & regnat in unitate Spiritus sancti DEUS, per omnia sæcula sæculorum. Amen.

Aspergatur aqua benedicta.

INDEX CAPITVM,

Et Ordo rerum, quæ in hoc libri Ritualis Compendio continentur.

CAP. I. De Professione fidei.	fol. 1
CAP. II. De Sacramento Baptismi.	10
CAP. III. De Sacramento Confirmationis.	30
CAP. IV. De Sacramento Pœnitentiæ.	31
CAP. V. De Sacramento Eucharistiæ.	43
CAP. VI. De Sacramento Extrinæ Unctionis.	57
CAP. VII. De Visitatione Infirmorum.	91
CAP. VIII. De Moribundis iuvandis.	171
CAP. IX. De Sepultura Mortuorum Adultorum.	185
CAP. X. De Sepultura Parvulorum Baptizatorum.	191
CAP. XI. De Sacramento Matrimonij.	199
CAP. XII. De varijs Benedictionibus.	212

F I N I S.